



საჯარო სამართლის იურიდიული პირი
ილიას სახელმწიფო უნივერსიტეტი



ბრძანება

ქ. თბილისი

N 4098-03

05/11/2020

ოკუპირებულ ტერიტორიაზე მცხოვრები, საქართველოს მოქალაქეებისა და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლით გათვალისწინებული პირებისთვის, რომელთაც მინიჭებული აქვთ ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის საგანმანათლებლო პროგრამების შესაბამისი აკადემიური ხარისხი და საერთო სამაგისტრო გამოცდების გავლის გარეშე მიენიჭათ საქართველოს უმაღლეს საგანმანათლებლო დაწესებულებაში ჩარიცხვის უფლება, ილიას სახელმწიფო უნივერსიტეტში 2020–2021 სასწავლო წლის შემოდგომის სემესტრისათვის სამაგისტრო პროგრამებზე მიღების გამოცხადების, სწავლის გაგრძელების მსურველთა რეგისტრაციის ვადების, საუნივერსიტეტო გამოცდების თარიღებისა და წარმოსადგენი დოკუმენტაციის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის პირველი და მეექვსე პუნქტების, „საქართველოს მოქალაქეებისა და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლით გათვალისწინებული პირების, რომელთაც მინიჭებული აქვთ ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის საგანმანათლებლო პროგრამების შესაბამისი აკადემიური ხარისხები, საქართველოს უმაღლეს საგანმანათლებლო დაწესებულებაში საერთო სამაგისტრო გამოცდების გავლის გარეშე ჩარიცხვისა და დაფინანსების წესის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2020 წლის 21 სექტემბრის N101/ნ ბრძანების მე-5 მუხლის მე-4, მე-5 და მე-6 პუნქტების, „2020-2021 სასწავლო წლისათვის საქართველოს მოქალაქეებისა და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლით გათვალისწინებული პირების ნუსხის განსაზღვრის შესახებ, რომელთაც მინიჭებული აქვთ ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის საგანმანათლებლო პროგრამების შესაბამისი აკადემიური ხარისხი და საერთო სამაგისტრო გამოცდების გავლის გარეშე მიენიჭებათ საქართველოს უმაღლეს საგანმანათლებლო დაწესებულებაში ჩარიცხვის უფლება, რაც წარმოადგენს შესაბამისი უმაღლესი საგანმანათლებლო დაწესებულების მიერ განსაზღვრულ სამაგისტრო გამოცდაზე/გამოცდებზე დაშვების წინაპირობას“ საქართველოს განათლების, მეცნიერების, კულტურისა და სპორტის მინისტრის 2020 წლის 2 ნოემბრის MES 9 20 0001056785 ბრძანებისა და 3 ნოემბრის MES 2 20 0001062150 წერილის საფუძველზე

გ ბ რ ძ ნ ა ნ ბ

1. საქართველოს მოქალაქეებისა და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლით გათვალისწინებული პირებისთვის, რომელთაც მინიჭებული აქვთ ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის

ინტეგრირებული სამაგისტრო, დიპლომირებული მედიკოსის/სტომატოლოგის საგანმანათლებლო პროგრამების შესაბამისი აკადემიური ხარისხი და საერთო სამაგისტრო გამოცდების გავლის გარეშე საქართველოს განათლების, მეცნიერების, კულტურისა და სპორტის მინისტრის 2020 წლის 2 ნოემბრის MES 9 20 0001056785 ბრძანებით მიენიჭათ სსიპ ილიას სახელმწიფო უნივერსიტეტში ჩარიცხვის უფლება განაცხადის შემოტანის ვადად განისაზღვროს 2020 წლის 6 და 7 ნოემბერი.

2. პირველი პუნქტით განსაზღვრულმა პირებმა განაცხადი უნდა გადმოგზავნონ უნივერსიტეტის ოფიციალურ მეილზე info@iliauni.edu.ge და განაცხადს დაურთონ ქვემოთ მითითებული დოკუმენტები:
 - ა) უმაღლესი განათლების დამადასტურებელი დოკუმენტის - დიპლომის საერთო წესით დამოწმებული ასლი. უცხოეთში მიღებული უმაღლესი განათლების შემთხვევაში - განათლების ხარისხის განვითარების ეროვნული ცენტრის მიერ გაცემული განათლების აღიარების დოკუმენტი.
 - ბ) მაგისტრანტობის კანდიდატმა, რომელსაც უმაღლეს საგანმანათლებლო დაწესებულებაში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი - დიპლომი, უნდა წარმოადგინოს უმაღლესი საგანმანათლებლო დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობა, სადაც მითითებულ უნდა იყოს კვალიფიკაციის მინიჭების შესახებ გადაწყვეტილების (ოქმის) ნომერი და თარიღი, იმ პირობით, რომ ჩარიცხვიდან ერთი სემესტრის დასრულებამდე წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს - დიპლომს;
 - გ) ხელშეკრულებაზე ხელმოწერის მიზნით საბუთების მინდობილი პირის მიერ წარმოდგენის შემთხვევაში, მინდობილმა პირმა უნდა წარმოადგინოს საერთო წესით გაფორმებული მინდობილობა;
 - დ) ფაკულტეტების/სკოლის მოთხოვნის შემთხვევაში სსიპ განათლების ხარისხის განვითარების ეროვნული ცენტრის მიერ გაცემული საგანმანათლებლო დოკუმენტის ნამდვილობის დადასტურების დოკუმენტი;
 - ე) პირადობის დამადასტურებელი დოკუმენტი.
3. ფაკულტეტების/სკოლის დეკანებს დაევალოთ, 2020 წლის 6 ნოემბრის ჩათვლით გამოსცენ ინდივიდუალური ადმინისტრაციულ-სამართლებრივი აქტი მაგისტრანტობის კანდიდატთა საგამოცდო და სააპელაციო პერიოდის და ადგილმდებარეობის, მიმღები კომისიების, საპრეტენზიო საბჭოების და სხვა დამატებითი პირობების შესახებ;
4. დაუშვებელია მე-3 პუნქტში მითითებული საპრეტენზიო საბჭოები შედგებოდეს იმ პირებისგან, რომლებსაც მონაწილეობა აქვთ მიღებული მაგისტრანტობის კანდიდატთა შეფასებაში;
5. ფაკულტეტებს/სკოლას და საზოგადოებასთან ურთიერთობის სამსახურს დაევალოთ, განათავსონ ინფორმაცია შიდასაუნივერსიტეტო გამოცდების თარიღის, ადგილმდებარეობისა და სხვა დამატებითი პირობების შესახებ უნივერსიტეტის ვებგვერდზე არაუგვიანეს 6 ნოემბრის ჩათვლით, ფაკულტეტის/სკოლის დეკანის ბრძანებით განსაზღვრული ვადების გათვალისწინებით.
6. 2020-2021 სასწავლო წლის შემოდგომის სემესტრისათვის ილიას სახელმწიფო უნივერსიტეტში სამაგისტრო საფეხურზე სწავლის გაგრძელების მსურველი, პირველი პუნქტით განსაზღვრული მაგისტრანტობის კანდიდატებისათვის, რომლებიც გაივლიან რეგისტრაციას, საგამოცდო და სააპელაციო პერიოდი ასევე, იმ მაგისტრანტობის კანდიდატებთან ხელშეკრულების გაფორმება, რომლებმაც წარმატებით ჩააბარეს შიდასაუნივერსიტეტო გამოცდები და მოიპოვეს ილიას სახელმწიფო უნივერსიტეტში სამაგისტრო პროგრამაზე სწავლის გაგრძელების უფლება, განისაზღვროს 7 ნოემბრიდან 12 ნოემბრის ჩათვლით, ფაკულტეტის/სკოლის დეკანის ბრძანებით განსაზღვრული ვადების გათვალისწინებით.
7. იმ შემთხვევაში თუ მაგისტრანტი ამ ბრძანების მე-2 პუნქტის „ბ“ ქვეპუნქტით დადგენილ ვადაში არ წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს - დიპლომს, მისი ჩარიცხვის შესახებ ბრძანება ბათილი იქნება გამოცემის მომენტიდან;
8. დაევალოს ფაკულტეტებს/სკოლას უზრუნველყონ სამაგისტრო საფეხურზე ამ ბრძანების პირველი პუნქტით განსაზღვრული სტუდენტთა მიღების პროცესის შესაძლებლობის ფარგლებში დისტანციურ რეჟიმში, ელექტრონული ფორმით ან კომუნიკაციის სხვა საშუალებების გამოყენებით განხორციელება. ასეთის შეუძლებლობის შემთხვევაში სტუდენტთა დაშვება სსიპ ილიას სახელმწიფო უნივერსიტეტში უნდა მოხდეს

- საქართველოს მთავრობისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შესაბამისი მითითებების/რეკომენდაციების დაცვით;
9. ფაკულტეტებს/სკოლას დაევალოს, უნივერსიტეტის რექტორს 2020 წლის 13 ნოემბრამდე წარუდგინონ იმ მაგისტრანტობის კანდიდატთა სია, ვინც გააფორმა უნივერსიტეტთან ხელშეკრულება;
 10. საჭიროების შემთხვევაში, უნივერსიტეტში შაბათ-კვირა გამოცხადდეს სამუშაო დღეებად;
 11. ამ ბრძანების შესრულებაზე პასუხისმგებლობა დაეკისროს ფაკულტეტების/სკოლის დეკანებს;
 12. ფაკულტეტებს/სკოლას და უნივერსიტეტის საზოგადოებასთან ურთიერთობის სამსახურს დაევალოს ამ ბრძანების გამოქვეყნება უნივერსიტეტის ვებ-გვერდზე;
 13. უნივერსიტეტის კანცელარიას დაევალოს, მიაწოდოს ამ ბრძანების ასლები ფაკულტეტებს/სკოლას, რექტორის აპარატს, ადმინისტრაციის სამდივნოს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, უნივერსიტეტის კანცელარიას, ადმინისტრაციის ხელმძღვანელს, რექტორისა და ადმინისტრაციის ხელმძღვანელის მოადგილეებს, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს.

გიგა ზედანია

რექტორი

